

第一二四册

方輿彙編

職方典

寧國府部

池州府部

太平府部

(卷)

八二一八四

八二一八〇

八二一八四

古今圖書集成

中華書局影印

欽定古今圖書集成方輿彙編職方典

第八百一卷目錄

寧國府部彙考七

寧國府祠廟考二

職方典第八百一卷

寧國府部彙考七

寧國府祠廟考二

本府宣城縣附郭

通志縣志合載

景德寺 在陵陽三峯上僧綱司在焉寺始晉

時名末安唐初名大雲開元中改額開元殿宇

宏麗有水閣東向刺史裴公休延黃蘗禪師開

堂演法宋景德中更今名殿後有鐵佛一座北

面右有浮屠多寶塔明洪武辛未立為叢林正

統丁巳知府袁旭令都綱壽源肇秀重修建復

開元之舊乙丑頌大藏經貯後殿今盡圯惟鐵

佛有嘉靖乙丑知府羅汝芳勸募重修浮屠塔

萬曆乙酉郡守廖恆吉又以餘地造大雄寶殿

為祝釐習儀之所里人司寇徐元太復建觀音

堂藏經閣頗極壯麗

永慶禪寺 在城東北里許郡邑每歲迎春於

此舊名保壽唐末刺史臺濠捨宅建宋太平興

國賜額今名有松風亭古柏梅聖俞詩庭下已

無柏澗邊唯有松今絕無松而但有古柏二株
大者圍尋餘輪困突兀真數百年物世傳此柏
為濠所植亦未必然寺前有永豐橋明正統中
僧普照建

乾明教寺 在城東北二里舊名福田唐大曆

中建宋紹興改報恩光孝後復舊額元末燬明

洪武間重建有碧鮮亭

興國教寺 在城北門外里許舊名延慶唐咸

通乙酉建有木浮圖因號木塔寺宋太平興國

庚辰重建繼毀於兵存小石刻云興於壬廢於

壬三五甲子相追尋元大德間廉訪使盧公曄

有重修碑記明洪武辛酉重建至辛未立為叢

林

廣教講寺 在城北五里餘敬亭山南唐大中

己巳刺史裴休建佛殿前有千佛閣慈氏寶閣

相傳其材皆羅松黃蘗禪師募之安南寺後有

二金雞相闢入井出水因名金雞井材從井出

刺字千間著師神異閣完餘羅松八株師植殿

前榮長別有柏二株住持僧有禪行異者即開

花數色元初設御講僧曰講主座下數百人法

堂曰雨華方丈曰寶華室曰笑華曰圓照軒曰

松月曰雪屋亭曰懷李山門外有橋亭曰碧蓮

梵花亭左右有池曰連珠多長松灌木有律海

遲賢江東福地諸亭宋太宗賜御書一百二十

卷僧唯真建閣貯藏里人郝允李建觀音殿元

末盡燬明洪武初僧創庵故址辛未立為叢林

古寺雖墟南浮屠猶雙峙於山門之前土人亦

名曰雙塔寺

柏山教寺 在南門外西二里舊名廣福宋都

官梅聖俞母葬於此寺僧德澄以梅有恩願守

之乃種柏於山因以改名聖俞建祠寺右曰會

慶堂卒亦葬於此山明洪武戊午重建辛未立

為叢林隆慶壬申又重建

惠照教寺 在城東十里土山隋膠禪師道場

宋治平甲辰建舊名會勝院有沃洲亭梅尚書

詢嘗讀書此院又李含章亦嘗隱此每風月良

夕輒吹鐵笛吟嘯自如元張浚明有詩春風跨

馬銀鞍穩夜月騎牛鐵笛聞自註云梅尚書遊

此乘銀鞍馬明洪武間重建宣德景泰修嘉靖

甲寅重修

安國禪寺 在城北十里宋紹興中建明洪武

中重建

白雲禪寺 在城東五十里麻姑山南宋紹興

間建明洪武中重建

治平教寺 在城東三十里宋治平中建明正

統間重建

上羅漢教寺 在城東三十里唐貞觀年建明

洪武壬戌重修

下羅漢教寺 在城東三十五里宋乾道中建

明洪武乙丑重建

七里教寺 在城東三十五里唐末建明正統

間重建

法海教寺 在城東五十里宋紹興辛未年建

海雲教寺 在城東六十里明時建即法海寺

分來

資聖教寺 在城東四十里寺經久廢棚建年代莫可考明洪武辛未重建立為叢林

淨相教寺 在城東六十里靈馬山之麓舊名寶山院唐末建明洪武初重建

善果教寺 在城東四十里隋開皇中為尼寺唐上元中勅改元延祐間建明洪武辛未立為叢林

永壽教寺 在城東三十里舊名景星宋治平中建

西禪教寺 在城東六十里宋紹興間建明洪武甲戌重建宣德正統景泰嘉靖間相繼修

大梵教寺 在城東三十里明洪武初建正統乙丑年重修

寧信教寺 在城南三十里元中統間建明洪武成化中重修

高山教寺 在城南四十里宋治平中建明宣德中重建

淨居教寺 在城南四十里宋開寶中建舊名興福明嘉靖中重建

岩臺教寺 在城南六十里宋嘉熙中華田民人李沈七建

城山教寺 在城南七十里舊名嘉福院宋開寶中僧可助作庵曰臥雲崇寧甲申改今額明洪武中立為叢林

柏枧教寺 在城南七十里柏枧山舊名殿宋嘉熙丁酉建嘉靖中參政梅守德同其合族重

建殿宇佛像一新

甘露教寺 在城南七十里舊名旃檀宋治平中建明洪武末樂正統相繼修

三天教寺 在城東七十里稽亭山舊名妙顯隋扶風禪師智琰栖處開皇乙巳詔刺史楊榮建勅近寺民五十戶充洒掃鄭辨志為碑銘宋治平中賜額壽昌紹興未改今額明洪武中重建嘉靖間修寺左有三天洞

廣法教寺 在城南八十里後晉大福元年建明洪武間重修景泰成化及嘉靖庚戌重修

皇清康熙三年善士胡應舉重修常賑飢說鄉約於寺中

松岩教寺 在城南七十里宋寧宗慶元中廢明正統中重修

南大雲教寺 在城南九十里宋建中間建明宣德景泰間相繼重修

能仁教寺 在城西四十里唐時建舊名天皇院宋祥符中改承天政和己亥更今額咸淳間重建元大德年修

法雲禪寺 在城西六十里行廊山梁杯渡禪師建舊名興雲宋治平中改今額山有杯渡岩有梁武帝及師像元末寺燬明正德戊辰重建資福教寺 在城西六十里舊名善定宋治平中建明洪武正統及嘉靖間重修

真如教寺 在城西七十里舊名保仁為尼寺梁太清中建唐上元中改今額宋治平中重建慈濟教寺 在城西七十里梁天監中建宋紹

與中重修明嘉靖乙未隆慶壬申重修

寶積教寺 在城北六十里唐貞觀中僧悟真建明洪武辛未立為叢林宣德景泰間屢建嘉靖末殿隆慶壬申僧智銓重修

東寶覺教寺 在城北六十里隋仁壽中建宋祥符中賜額

西寶覺教寺 在城北六十里宋時建明洪武中重建正統嘉靖間重修

空相禪寺 在城北八十里水陽鎮舊名白龍院唐開成元年建相傳唐咸通乙酉白龍見於幡竿故名宋元祐改今額明洪武辛未立為叢林正統己未副綱壽源重建舊東向明郡守羅汝芳改寺西向更名南禪禪寺

東大覺教寺 在城北九十里舊名崇善南唐保大中建宋紹興辛亥魏敏肅公請為功德院改今額

西大覺教寺 在城北八十里宋紹興中建中亦有魏敏肅公神主明洪武乙丑修正統間重修建毘盧閣

淨國教寺 在城北九十里晉永平中建宋太平興國廢明洪武癸亥重建景泰中修

北大雲教寺 在城北九十里舊名慶雲宋治平中建明嘉靖中重修

法輪教寺 在城北六十里砂石灣明正統中寺僧重修

勝果教寺 在城北一百里黃池鎮唐咸通中建明洪武癸丑重建辛未立為叢林

妙因教寺 在城北一百里宋嘉泰中建明洪武正統間重建

延壽教寺 在城北一百里宋嘉泰中建明洪武甲子重建後廢萬曆甲戌里人雷鏞等重修

法華教寺 在城北九十里宋嘉泰中建明正統戊辰重建

壽昌教寺 在城北一百里宋治平中建明洪武乙卯重建立為叢林

雲山教寺 在城東北一百里湖北山唐時建明嘉靖中都綱圓創重建

護國教寺 在西北三十里明正統初建嘉靖乙酉副綱止惠重修

天寧禪寺 在城西北一里明建未詳明洪武中廢天啓元年知府關驥邑人湯賓尹捐募建

造時掘得小獅子二枚小石碑一面上有古天寧寺四字知為勝地因復其名

皇清初禪師恆證開法於此寺後為黃金山左有桃園橋後因寺中飯僧又名長生會

硤石教寺 在城北一十五里順治三年建按古硤石寺久廢宋林逋有遊硤石詩燈驚獨鳥

迴晴塢鐘送遙帆落晚汀邑人梅超中高誅嘗遊此有和林逋詩尋求古跡因復其額今按寺

在硤石橋側去鎮半里故老相傳為古硤石即此今土人呼為大乘庵

太平教寺 在城東南七十里宋紹興中建對亭庵 在景德寺內佛殿西

翠雲庵 在城北十里敬亭山唐大中二年裴

休建廣教寺因卜靜室於此元末殿明宣德中里人建庵故址名曰翠雲嘉靖中圯邑御史陳希美改建憑虛閣曰凌雲崇禎戊辰火知縣謝元朧復建閣曰雲齊壬申知縣陳泰來又於最高處建額珠樓四方文士遊歷題咏者甚多不可悉記

一峯庵 在城北十里即敬亭山之一峯唐大中時為廣教茶亭後殿明正德丙寅寺僧宗海重建嘉靖中知府羅汝芳畱題刻碑

末慶庵 在城東二里許明崇禎中僧融觀募衆捐建

宛津庵 在小東門外演武場側明崇禎壬申僧明堂募建

松隱庵 在城東六十里宋咸淳庚午建明洪武癸亥重建

萬松庵 在城東六十里宋咸淳中里人陳德純建明洪武宣德嘉靖間修

清隱庵 在城東六十里元至正中建明正統景泰中重修

覺照庵 在城東六十里元至正中建明洪武乙丑重修

海雲庵 在城東七十里元至正中建明嘉靖間重修

東溪庵 在城東五里東溪橋側明萬曆初郡守王嘉賓建東溪橋郡人立祠祀之金陵僧性恆建庵於祠內故名即杯渡庵

般若庵 在府治左岡上明崇禎中僧性蓮修

明鏡庵 在城東北一里明萬曆中建

金露庵 在小東門西樂庵 在城西里許明萬曆中孝廉吳伯敬為僧性果建栖霞講師法通曾講楞嚴其中知縣尹三聘復鑿井於庵前以濟行者

金粟庵 離城里許明崇禎初里人詹應鵬建心佛庵 在城南柏山寺半里許明天啓癸亥建

皇清順治丙戌僧超晟修康熙初徙性權建塔庵左

南華庵 在薰化門外南壇側明萬曆年圯崇禎辛巳郡守錢敬忠復建僧慧天住持

法露庵 在城北五里橋順治庚寅年建

秀水庵 明萬曆元年萬鵬建

青溪庵 在響山潭上七里青溪舊有觀音橋故亦名觀音橋庵碑記現存康熙五年庵僧元德募府鎮廳縣及鄉士大夫捐貲買河上自夏家渡下至館驛前止禁絕漁釣永為放生河庵僧守之歲輸河稅

半山庵 在七里岡下康熙間郡守龔鯤捐俸為半山和尚在柯建在柯以書名

草庵 在城南張家橋明萬曆中僧本建募造大學士申時行題額

問雲庵 在城南雙羊山麓明萬曆間僧思修遊京師與修佛事賜紫歸建湯賓尹請藏經全部貯焉

護納庵 在城南半里許近柏山寺

應住庵 在城南仁村明庠生梅景堯建

芥子庵 在城西十里明萬曆中邑人徐篤慶建

平林庵 在城東三十里司成湯賓尹建

高嶺庵 在城西三十里舊名峰樓

西峯大聖庵 在城南四十里明洪武乙卯建

正德嘉靖重修

天如庵 在城東麻姑山北掉石嶺下明萬曆時文學蔡鳳翔建

蓮池庵 在城東三十里鷄足山明萬曆壬子司成湯賓尹僧恆然募建太史焦竑書震旦額于佛堂

碧霞庵 在城南楊柳鋪僧省如募建

廣福庵 在梅溪初爲沈氏別業順治初拓衆將捐貲買置墓庵名曰廣福僧行慧住持

通津庵 在城西五十里通津橋側明萬曆中邑人司成湯賓尹建

仙岩庵 在城南稽亭山仙人岩側有石棋石几岩左有大紅山茶一株根從石罅中出僅一指許而幹大徑尺下有石池清可鑑物每春初花放輒千百朵旋覆池上數里外望之如懸火珠真仙境也有靈泉溉田庵僧賴之後田廢里人梅枝鳳復業於僧

慈氏庵 在城南六十里明正統間重修

石佛庵 在城東六十里宋嘉泰中建明洪武己巳重建尋燬崇禎癸未沈瀚重修頗極幽勝

京堂庵 在城南六十里梅壠嶺上崇岡千仞其上寬衍如堂故名其北有龍潭每雲輿輒雨

宋元有古庵舊址明萬曆中重建

茅亭庵 在城南六十里明洪武初建正統間重修

高峯庵 在華陽山南最高峰依岩構屋覆鐵瓦以禦風峯下又有塔泉庵有異僧坐化其中

崇福庵 在城南七十里宋紹興初建明洪武中重建隆慶辛未重修

因悟庵 在城北三十里明崇禎戊辰邑人梅殷祚建施香燈田三十畝郡守黃夢松止宿庵中題曰西來精舍

清音庵 在城北二里許梅清沈泌鍾銘文同里中諸子每歲四月有香燈會賦詩於此

普渡庵 在城南五里黃龍之麓僧雪印建

漱石庵 在城南四十里團山之麓庵踞石上下有約絲潭爲青龍潛遊之處土人祈雨輒應庵爲邑人梅振祚建

鶴馭庵 在城東南四十里柏枧山之下長嶺岡十里有鶴馭山故名庵爲朱梅二姓香火

葛齋公庵 在黃池陶家溝口明末葛公募薪化身於此土人建塔庵首

龍泉庵 在華陽山峭壁環繞峯巒羅列碧泉深宵色如龍噴崖生施其仁妻俞氏建

元妙觀 在城內西南麓峯上唐爲紫極宮宋大中祥符改名天慶宮舊在城東南紹興中火徙建今所寶慶間重建元大德中更定今名明洪武辛未立爲叢林道紀司在焉至永樂辛丑都紀徐善淵重建

冲妙觀 在城東三十里麻姑山之西相傳麻姑修煉之所唐爲洞仙觀初女冠居之有斷碑會昌中立宋政和戊戌賜額明洪武中道士麻用中重建東南有日游亭元泰定建

靈應觀 在城北一十里敬亭山敏應廟西宋賜額明宣德中都紀徐善淵道錄司石至靈顏福淵重建

眞慶觀 在城北八十里水陽東鎮元大德壬寅建明洪武庚午重建宣德中都紀徐善淵重建

眞符觀 在城北四十里符里鎮世傳許旌陽遊山南於竊旁置鐵符斷自竈以東可陶後陶大率出鐵符之東里人奉旌陽香火唯謹明洪武庚午道士史南山重建

洞仙觀 在城東四十里古有玉泉殿宋慶元初遣官禱雨有免盤旋塔坳已而雷足里人建觀嘉定間請額

麻姑殿 在城東三十里麻姑山巔宋政和戊戌建明末樂間道士畢用賢重修

祠山殿 在城東南三十里宋進士趙孟煇建旁有煇墓

大善寺 在崑山鄉唐天祐中建宋治平中賜額建中靖國重建郭祥正記

石盞寺 敬亭山之旁僧孚傳燈閣藏佛書沈括記杜牧有詩梅堯臣有尋古石盞寺詩今敬亭山後亦有石盞寺恐非其舊

大聖寺 在城東十里貢奎同蔣敏授遊有詩

書堂寺 邑人何儒行有從硤石歸訪書堂寺

詩云爲尋丞相跡因到野僧家荆建未詳

靈源寺 李白有贈靈源上人仲濬詩荆建所

在無考

禪定寺 唐嚴綬有禪定院通神師碑銘綬貞

元初爲節度幕

太平寺 未詳所在

感化寺 在城北一百里宋乾道中建明洪武

景泰中重修

新興寺 在敬亭南麓會昌二年燬大中二年

刺史裴休建

寧國縣

教忠教寺 在縣西北舊在廣福山宋寶祐間

撥賜參知政事饒虎臣充功德院因賜額後燬

於兵明洪武甲寅僧文理建辛未立爲叢林景

泰壬申僧智海重建今爲僧會司署事

崇因教寺 在縣西南四十里梁開平初建宋

治平初賜額

延慶教寺 在縣北三十里通靈峯之麓又名

麻屯寺宋治平初賜額後廢明洪武七年僧正

宗復建

普蔭教寺 在縣北爲縣後鎮明萬曆乙未知

縣高夢旂創建今後殿被燬

興教教寺 在縣東二十里舊額寧化院宋治

平中賜額名蔣峯山係四都山高八百餘丈上

有馬跡神圖下有龍潭勝跡

惠雲教寺 在縣南六十里唐太和中邑人張

司徒徵建一名山東寺定光佛初爲此寺茲獨

宣梵教寺 在縣南九十里舊額谷林宋天聖

中僧應之始建前額元祐中賜今額係九都寺

居山頂

信相教寺 在縣南八十里南唐保大中建宋

祥符中賜額

建興教寺 在縣南五十里宋乾道中僧曇溥

建

廣濟教寺 在縣南四十里唐天祐中爲平山

院昇元中復建於聖龍山下

寶雲教寺 在縣南四十里宋治平中賜額僧

正中等重建

靜居教寺 在縣南四十里唐光化中建崇信

院宋治平中賜額

眞覺教寺 在縣西二十里唐會昌中建宋政

和改爲禪寺明景泰癸酉僧會智海同智澄重

建佛殿三間僧舍三間

龍福教寺 在縣西五十里宋紹興中僧惠空

建今住持德智新其殿宇豁然可觀

崇果教寺 在縣西一百一十里唐貞觀中建

有石鏡可以鑑形寺前有古樵一株又有羅漢

竹一十八竿每一筍生則一竿枯竹下有龍潭

湧泉明正統丁巳僧德貴文恭重建佛殿毘盧

閣石橋景泰庚午建法堂樓各五間弘治間建

山門五間

吉祥教寺 在縣西九十里宋治平中建名水

安山前有羅漢潭後有臥佛悟經乃石生成形

像

香蓋教寺 在縣西八十里唐韓胡留題寺壁

云爲憐蕭寺上經臺宋熙寧元年賜額

彌勒教寺 在縣西四十里宋治平中賜額明

弘治間僧行貴重建有井居山頂號曰天井

崇福教寺 在縣西六十里唐天祐中建賜額

一名洽山寺明正統丁巳重建佛殿三間僧舍

三間

靈岩教寺 在縣西三十里唐貞元中建宋治

平中賜額在文脊山麓東後傾頽明正統癸亥

僧惠鑑建佛殿三間山門五間隆慶戊辰復建

正殿天王殿各三間山門出自天成內有六洞

又有石牀石棋石鐘等形皆仙人畱跡頂有桃

柳桑三種花枝亦靈異物也

圓靜教寺 在縣西八十里一名五龍山宋咸

淳間建明正德十年重建中有佛殿五間旁有

廡十四間前有龍潭深數丈石突水面其形如

龜

行香教寺 在縣東八十里宋端平間賜額

國清教寺 在縣東百步社學後宋紹興中建

元末燬於兵明洪武間僧文悟復建後廢址存

嘉靖丁亥建射圃亭於社學之後

龍安教寺 在縣北一十五里宋治平中賜額

僧福智建後廢明洪武壬戌僧法榮建後燬於

火正統間僧道善復建樓於殿臺之右

永寧教寺 在縣南一百二十里唐時建宋末

廢明景泰甲戌僧道志募邑人胡思浩重建

悟本禪寺 在縣南六十里宋治平元年賜額今廢

洞門教寺 在縣東

寶勝教寺 在縣西八十里三十都宋開寶間賜額明洪武間重修

清隱教寺 明洪武初建在十二都

抄英教寺

明萬曆間俞邦賢建子俞允成重修

觀音殿

有四一在縣西南四十里唐時建明正統丙寅重建一在東岸係一圖募建一在環

溪水口一在縣東一里舊名圖通庵後改爲八

蜡廟

永福殿

在仁賓里社橫街祀末福侯與五顯靈官邑人江賓施漢盛鳳馮儒楊桂楊宏慶募

建

元極殿

在東城門外水口明嘉靖間建殿宇三間石橋石坊各一座

三官殿

有二一在觀音殿右明萬曆乙丑建一在環溪水口

西坑殿

在縣西一十五里楊維山世傳祠山真君孫成烈王子封末福侯必古忠烈義勇之

廟食也山深林密而祈禱者如市知縣林文聰

題其扁曰威靈感應比歲益顯著縣傳張溥督

運赴京舟次某處幾覆賴神捉漁舟以救且曰

某治下西坑殿之神也言訖忽不見

祠山殿

有二一在三十一都蟠龍係古剎復新一在村外水口係裏外殿基土主明崇禎十

七年建

五顯殿 有三一在村外水口一在東岸樓下一在高橋頭

土主殿

在環溪村發脉處係章氏建

太子殿

有三一在三十都一在二十四都一在河瀝溪橋東

奉聖禪院

在縣西三里舊名白雲山唐大中

間相國裴休嘗請黃檗禪師於此乾寧中賜額

爲永清宋治平中改奉聖熙寧中改爲禪院宣

和中爲盜所焚僧道初重建後廢明宣德中復

建佛殿三間僧舍三間萬曆中重建

朝慶道院

在縣東九十里明正德於西道會汪希真募建

留雲樓

在奉聖禪院之右白雲山巔崇奉關帝明嘉靖庚申邑士人扁曰洞觀萬曆十五年

復新之扁曰白雲樓前平原數十里清流澄澈

於下最爲佳勝崇禎中傾圮後復建屹然如初

青華觀

在縣西二里屬雞山鄉之域相傳自宋紹興創明洪武辛未始立道會司是時棟宇

燬於元季兵燹末築初道官阮嗣真修屋數楹

魏明道繼建山門一座宣德中道會柳玉山造

法堂五間繼修三清殿兩廊玉皇閣弘治壬子

盡遭回祿甲寅道會吳玉晨住持命洞清募重

建殿閣如舊

顯真觀 在縣東八十里宋紹興中壬子里人高州助教阮永興建後廢明景泰間復建崇禎

甲戌太學生仙作霖築石臺方二十丈高一丈

重新殿閣後有三元堂

金仙庵 在縣南四十里宋治平中賜額明洪武初重建

獅子庵

在縣北一十五里宋治平元年賜額後廢明正統二年里人汪普建佛觀音堂各

三間嘉靖甲子知府羅近溪改名龍谷寺錢德

洪題山門曰獅岩寶地

七龍庵

在縣東三十里宋治平元年賜額明正統中重建

彌勒庵

在縣西九十里大方一名大方庵宋治平賜額明嘉靖間重修後有白石岩高數仞

古柏森然

沈禪師庵

在縣西六十里宋治平中建元末廢明正統間重建佛殿三間一名岩堂庵有泉

出山巔

隱峰庵

在縣東三十里山勢高聳有泉迸出於石崖之間相傳宋有高士隱此故名明弘治

間里人胡思溥重建并捐田膳僧

仙人庵

在縣東二十里山林深遠人跡罕至明洪武十四年建弘治八年胡淳重建上有馬

跡仙岩一所水泉常溢

泗公庵

在治西六十里殿基山原明天順二年黃德良德忠建殿宇二間中奉觀音大士左

奉元帝

長壽庵

在三十二都一圖殿宇三間明正德間洪永潮重修

雲中山準提庵 在治南二里呂氏建

祿青庵 在治東一百一十里爲直折孔道太學生仙作霖建庵下有橋建環翠亭以便行者憩息

步岸山房 在治東一百二十里十二都贈副都御史仙時忠建

高峯庵 在治西七十里三十都西坑山之上

一名鐵瓦庵山高萬仞前人鑄鐵瓦之意爲陶瓦不耐霜雪鐵可垂久遠也山下至庵有十里之高晴明天氣望見郡縣如在山麓茶最清芬夏至後方採

福慧庵 在治西五十里鎖坑口爲青龍屏蔽

山原平衍林氣鬱葱名勝所毓人文蔚起亦一福地也

黃金庵 在治西九十里自宋以來有舊址明

嘉靖間里人胡世傑解組歸來命重建焉至天啓辛酉始遷甘露峯之下殿右有蝦蟆石

涇縣

大安寺 在治北肇於東晉興廢不常明洪武

壬子僧行清開山宣德壬戌僧景貺重修萬曆丙辰燬於火崇禎辛未知縣尹民興重建

崇慶寺 在縣西五里南齊永平元年建明帝

時相國淳于芬捨宅爲寺始名凌岩寺隋大業二年廢唐上元三年復興元宗改爲天宮水西

寺天寶中復名凌岩會昌元年廢大中二年裴

相國休牧宣州即故基勸寺命黃蘗禪師住持咸通十二年復改水西寺宋太平興國五年勅

改賜崇慶寺凡十四院曰彌陀大慈羅漢大聖

彌勒西方地藏釋迦藥師文殊華嚴童師七祖觀音寺有唐宣宗詩及李翰林而下唐宋諸賢題詠紹興中建小塔在寺之東麓

寶勝寺 在縣西五里又名水西寺即古之五

松院也宋太平興國中有僧處元領弟子數十人來遊剪茅結屋請額重建五松院太宗賜御

篆二軸元豐五年勅改爲奉國寶勝禪院起御書閣奉安三朝御書大觀二年改造聖壽崇寧

塔以鎮之寺南有葛仙煉丹井前有濯纓泉東麓有明壁軒明洪武初住持僧宗泐重建法堂

廊廡至十五年初設僧會司僧官就於本寺開設衙門師聰師鸞相承未幾改元住持從純授

僧會乃重建殿宇宣德癸丑僧宗景繼葺之正統辛酉住持道權又增勝焉萬曆間禪僧了心

置造藏經閣頗復黃檗道場徒孫恆證改造山門重倡宗風

水西首寺 在縣西五里亦淳于氏宅基也興

廢與凌岩寺同唐乾寧二年賜額爲白雲院乃乾應伏虎禪師道場後有永平年間所勸古基

及乾應塔見存明正統間改爲西方院至明末始改水西首寺枕山巒之秀麗面溪水之縈紆

爲一方之勝槩焉寺後白雲泉在半山間有澗谷出焉踰澗爲橋有亭冠其首又有東峰亭即

淳于氏送客亭前瞰賞溪凡邑郭內外樓閣相望亦谿山之要古今名人登覽題詠甚多

勝果寺 在縣西三十五里宋淳熙間鄉人王千二捨基勸建明正統甲子僧道曼重建

大寧寺 在縣西南四十里舊名伏龍禪師道場明永樂己亥僧宗狂建

長樂寺 在鳳山之側宋紹興間賜額

新興寺 在縣西四十五里古刹類廢明景泰

庚午僧永情壁淵重建

藍山寺 在縣西南六十里古刹類廢明宣德

庚戌僧惟愷重建山水勝槩

永安寺 在縣西七十里南藍山宋宣和中建

明宣德中改名覺慈院震山八景永安鐘鼓居其一

凌岩寺 在縣西七十五里古刹類廢明宣德

丙午僧德慶重建

長安寺 在縣西八十五里古刹類廢明正統

癸亥僧會瑤瑛重建

妙明寺 在縣西南八十里烏龍山下宋紹聖

間建方丈前有羅漢閣高踰烏龍山之半上有清泉潺潺日夜不息明宣德丙午僧福源永道

重建

隆興寺 在縣西南一百里麻溪唐天寶間建

有五公修道於石鑑洪頭山寺曰隆興久而頽廢明永樂辛丑僧了悟重建

宣陽寺 在縣西南八十里古刹類廢明正統

己未僧慈智福圓重建

岩鑑寺 在縣北二十五里宋開寶中建明景

泰壬申僧永覺重修

顯明寺 在縣東北三十里舊名永安寺宋大中祥符間改今額明正統己亥僧法旋重建

凌雲寺 在縣東北三十里舊名白峯庵宋紹熙間改今額

靈曜寺 在縣東北三十里舊名華嚴庵宋紹熙間賜額

興教寺 在縣東五里長安寺之舊址宋嘉定壬申建今廢

殿磐寺

在縣東南五十里舊名青山庵宋淳熙間請寺額明末樂甲申僧惠德重建

報恩寺 在縣東六十里乘山之巔有十八景唐至德間建宋政和中修進士馮述造浮圖七級以鎮之明正統癸亥僧行慶重修

乾明寺 在縣東六十里唐為佛牙庵大曆中賜額龍雲寺宋崇寧間改乾明明正統辛酉僧如義重建前有放生池池之東有佛牙山

萬壽寺 在縣南五里昔人於其地得石狀類佛因建庵宋紹興間知縣周耀以萬壽名寺後毀明宣德間僧會瑤瑛重建嘉靖間住持道傳修葺崇禎間僧會宗能重建寺內有春原室

白雲寺 在縣南五里宋治平間創立明景泰甲戌僧道會重建

法相寺 在縣南三十里宋元嘉中創建唐會昌中廢南唐保大中復葺宋端拱二年賜額明景泰癸酉僧法瑤重建今廢

安國寺 在縣南五十里舊名雷塘庵宋慶元三年知縣孫觀與請額為安國寺以奉陳雷二府君之祀明正統己未僧寶定重建

龍雲寺 在縣南七十里舊名寶光庵宋崇寧間更為龍雲寺明景泰間僧會瑤瑛重建依山為方丈夏有涼風不知盛暑冬月溫煖熙熙如春

定業寺 在縣東南六十里石鼓山之旁舊為僧伽庵宋雍熙間始為龍雲寺靖康間改今名正統庚申住持景貺重建

軒千寺 在縣東六十里宋崇寧間更為妙相禪院依城峰文殊山而建有清節軒風玉亭華嚴閣景致幽雅明末樂辛丑僧從亨重建成化二年住持僧景貺修天啓癸亥僧印祚印心傳通重修

覺慈院 在崑山之側前有龍潭一所俗云昔有龍自此出飛泉迸溢冬夏不涸龍鱗爪甲之屬顯然見於泉石之間每遇歲旱道官多至祈禱宋治平三年賜額

雙峰禪院 在縣西北三十五里歲久頽廢明正統甲子僧源淨重建

西庵 在縣西四十里東庵之旁歲久頽廢明正統間重建

東庵 在縣西四十里歲久頽廢明景泰庚午僧景貺重建

妙峯庵 在縣西七十五里石礬山下宋宣和中建庵有四景謂碧蓮池珍珠泉子瞻石藏春洞也者閭日禪師守庵日有詩歲久庵圯明僧圓鏡圓鑑重建

上舍庵 在縣西南七十五里歲久頽廢明正統乙丑僧道昱重建

下舍庵 在縣西七十五里歲久頽廢明景泰癸酉僧法滄重建

銅峰庵 在縣西八十里有塔峙其旁曰銅峰塔庵之西北諸峰疊秀屹然而森立者觀音岩也石裂泉出約注二斗滿不溢淺不涸清激而無瑕者浴鵲池也舊有禪師守訥住持焉歲久庵圯明景泰甲戌僧瑤瑛重建庵下有萬泉庵又有龍泉庵在焉

寶峯庵 在縣西北八十里又有幽隱高峯二庵與寶峰鼎立歲久頽廢明宣德戊申僧福澤重建嘉靖乙亥又創元帝廟於岩上

仁壽庵 在縣西南三十里歲久頽廢明正統丙辰僧法淵重建

海雲庵 在縣北三十五里宋淳熙間建明正統甲子僧道昂重建

水洞庵 在縣北三十五里歲久頽廢明正統乙丑僧景貺重建

西山庵 在縣北四十五里宋寶慶二年刱建明景泰三年僧圓浩重建今住持印定印徹重修

觀音庵 在縣南十五里歲久頽廢明正統甲子僧會瑤瑛同道權重建弘治甲寅僧本然增修

齊雲庵 在縣南五十里合山之頂歲久頽廢明正統間僧瑤瑛同道權重建

圓通庵 在縣南三十里歲久頽廢明宣德丁未僧法瑤重建

仙壇庵 在縣南四十里承流山之麓歲久頹廢明僧至靈重修

西峯庵 在縣南九十五里歲久頹廢明景泰庚午僧瑞泉重建

萬壽庵 在縣南六十里歲久頹廢明正統丁巳僧日昭重建

圓通庵 在縣東北三里幕山明僧智果興復

蓮峯庵 在治東六十里齊集山明弘治間建崇禎末僧傳通重建

般若庵 在縣東六十里曹溪山口與硃砂山斜對兩壁峭立中通一徑紆曲天成山頂一池如龍漱有瀑布泉池有石橋曠邈迥異因建亭於上以供凭眺

宣陽觀 魏時遺址在甄塘宋隆興間道士徐知柔移建於縣東北半里入明爲道會司嘉靖丙戌燬於火道會司朱道聖馬德賢募財重建

幽隱觀 在縣西南八十五里震山鄉道士潘立成開山後賀士迪隱逸在彼明洪武戊子燬於火末樂辛卯道士汪守誠重建

慧日庵 在縣東北三里幕山僧性慧重建

三觀禪林 在城隍廟左順治丙戌知縣李曰楹命額康熙甲寅知縣鄧琪篆重修住持真鼎募成

白塔寺 在縣東北二十里唐宋古刹昔踞白塔山巔順治初僧維行移建於山之腰

大士庵 在縣東北二十里琴溪先是庵在官道之北順治初改建官道之南

神仙庵 在縣東六十里金頂山唐宋古刹梵曆庵 順治初年建

古鉢庵 順治初年僧蘊古得古鉢卽以名庵

福田庵 在雙浪都巖山湖順治戊子年建

白雲庵 在南城外知縣何公建樓

太平縣 翠微寺 在縣西南六十里屬西鄉唐中和二年置麻衣禪師道場明洪武間立爲叢林

永濟寺 在箸嶺橫培康熙七年麻村胡可期建

勝果寺 在縣西五里桂城鄉宋紹興七年建

廣仁寺 在縣北七十里屬龍門鄉舊名安仁院唐天祐中李鐸施宅爲院宋治平元年賜額

重興寺 在治北一里舊名碧雲庵宋紹興乙卯賜額

香林寺 在治南四十五里屬西鄉宋紹定十三年賜額

眞如寺 在縣治西六十里屬長壽鄉舊名陵陽院宋太平興國五年賜額

香城寺 在縣治西南八十里屬絃歌鄉先係重興庵宋紹興十三年賜額

新興寺 在縣治東南四十里屬道泰鄉宋紹興十七年賜額

五松寺 在縣治東南六十里屬長壽鄉宋淳熙中賜額

龍吟寺 在縣治東南四十里屬道泰鄉宋紹興二十五年以蘭若庵請額

廣福寺 在縣治西南四十五里屬西鄉舊名羅漢寺宋太平興國五年以聖壽爲額乾道初改

蘭若寺 在縣治西二十五里屬東鄉宋淳熙中賜額

松山寺 在縣治南二十里望仙鄉宋紹興十三年賜額

興國寺 在縣治北三里原爲泗州堂又名圓覺庵宋紹興十五年賜額今分重興寺

城山寺 在縣治東三里宋紹興十三年賜額

大覺寺 在縣治西二十里二折嶺左

三義殿 在西門外明天啓三年道士李元應募建

紫極殿 在縣治北亭子山上邑令鹿兆圖建

三元殿 在縣治東北板石潭右

龍王殿 在東鄉務山下一方禱雨之處邑令馬維銘記

東嶽觀 在縣治西門內明天順七年建祀東嶽聖帝萬曆三年建三清殿于觀後崇禎間又建三官殿

觀音閣 在東嶽觀右順治六年道會司王道元自建

文昌閣 在觀音閣後

西峰庵 在縣治東二十里道泰鄉宋乾道間建紹興十年重建

仙王殿庵 在縣治南一十五里屬道泰鄉宋嘉定十七年僧宗傳建

松谷庵 在縣西南三十里屬望仙鄉近芙蓉峰張松谷自建

大悲庵 在縣西三十里屬黃山西鄉吳元年僧妙真建

呂公庵 在縣西南二十里屬望仙鄉元延祐四年僧普惠立

巢翠庵 在縣南三十里屬望仙鄉元大德六年僧宗茂立

觀音庵 在縣西七十里屬絃歌鄉唐中和三年僧雪隱建

九龍庵 在縣西北八十里屬涇陽鄉明成化初建嘉靖中爲鄉約所

觀音堂庵 在縣西七十里屬西鄉元至元年僧淨海建

三峯庵 在縣東三里瑤潭鎮水口宋慶曆年間建

明王殿庵 在縣西十五里屬東鄉宋嘉定十年建

種德庵 在焦村焦汝張建山林葉蔚桃徑屈曲

順寧庵 在縣南五里文村龍一胡百英建

屏山庵 在縣西六十里焦樞所建前後岡巒環拱遠山如挂翠屏重清雅可愛

城山觀 在縣西五十里原宋司戶焦源建黃山堂諸峯翠列一水縈環解元焦頤重葺扁曰城山書院二子歸自淮右讀書其間成文武二魁後人贊云山川可隱神仙跡草木猶馨文武

名今改觀祀玉虛真人每年三月上巳日賽會其上

文峯庵 在縣南五里文峯下

津梁庵 在湖深潭

眞常庵 在縣南十里屬道泰鄉元大德六年建

坤鎮庵 在道一鄉

明善庵 在縣南二里屬桂城鄉元大定三年建

老庵 閩曾祖訓建松谷庵上無爲庵 在縣南五十里宋紹興中侍郎呂廣間建

如義庵 長壽八甲庵田十畝

九龍觀 在縣西六十里涇陽鄉舊傳漢末平九年地湧九泉因穿九井唐開平中嘗爲僧舍宋政和五年敕改九龍觀

昇眞觀 在縣治東南二里南隅舊名黃山觀宋嘉祐八年創建政和間賜額

元眞道院 在縣南三里屬桂城鄉元至正六年道士劉如眞建

羅漢堂 在縣治章村舊傳有十八白鶴飛翔於此以爲十八羅漢變現因建此堂

仙壇道院 在縣西六十里上寨俗呼爲仙人壇取路直上約三五里頂上建一塔正對煉丹峯遙望九華諸峯亦在雲際

如意庵 在縣西南二十五里屬望仙鄉元大德六年建

慶雲岩 在縣南邑人孫淵建

高庵 在縣西二十五里元時建

大士庵 原有舊址僧人明肯開擴之

集慶庵 在縣西十五里東鄉務山

問奇庵 在異松嶺側僧覺宗建

廣布庵 在絃歌鄉僧人職生建

弘濟庵 在西鄉章村三寶坑僧柏子建

旌德縣

叢林護國禪寺 在縣東門宋開寶八年建明嘉靖間重建萬曆二十三年修

叢林靈臺瑜伽寺 在縣東二十里招賢鄉宋紹興十八年建明隆慶元年修

叢林資福寺 今爲梓山瑜伽寺在縣東南二里梓山下宋開寶八年建明嘉靖四十年重建

寶蓮寺 在縣東南四十里招賢鄉吳元年建

明萬曆乙亥重建

勝因寺 在縣西七十里通貴鄉治平元年建明萬曆二十一年重建

蘭野寺 在縣東五十里柳山鄉宋淳熙八年建明萬曆四年重修

會勝寺 在縣東北十五里柳山鄉宋太平興國中建明萬曆元年重建

法華寺 在縣北二十里太平鄉宋紹興二年建明萬曆二十四年重修

孔子寺 在縣西北四十里與仁鄉唐咸通五年呂康捨地爲寺上有孔子祠堂因名明萬曆乙未重修

延壽寺 在縣北四十里興仁鄉唐咸通六年建明萬曆二十一年重建

華陽寺 在縣東五里

瑞蓮寺 舊名延福寺在縣北二十里太平鄉唐乾符六年建宋令盧公時生芝草兩本數莖又僧舍後池生碧蓮一枝人咸稱瑞縣以啓開因名瑞蓮寺明嘉靖十六年重建

靈源寺 在縣北三十里太平鄉宋紹興六年建明萬曆元年重建

深塢寺 在縣北四十里興仁鄉唐咸通六年建明萬曆二十五年重建

後林寺 在縣北四十里興仁鄉唐咸通六年建明成化間重建

叢林多寶禪寺 在縣西六十里上涇鄉唐光化二年建明天順七年重建萬曆二年重修

崇真觀 在縣西門明嘉靖二十五年建

青華觀 在縣西三里棲真山南宋乾道年間建明成化間重建

德山觀 在縣西四十里

紫微道院 在縣西北二十里興仁鄉宋景定五年建明隆慶間重修

紫清道院 在縣西十六都元至正四年建明弘治九年重修

從佛庵 在十三都毛栗坦僧性曜建造現性瑩住持

四峯庵 在縣西南七十里上涇鄉元至正三年立明萬曆丁亥重修

黃塘庵 在縣東一十里進賢鄉明成化十年建萬曆十九年重修

西山庵 在縣西嶺上三里進賢鄉元至正中

立明萬曆六年重建

崇聖庵 在治東五里招賢鄉明洪武初建隆慶元年重建純一禪師奉明高祖諭旨因名崇聖

上陽庵 在縣東十二里招賢鄉元建

南山庵 在縣東十五里招賢鄉元立

古岩庵 在縣東一十里招賢鄉元建

圓通庵 在縣東北八里招賢鄉元建

鐵山庵 在縣東一十五里招賢鄉元建

淨土庵 在縣東三十五里招賢鄉明建

青雲庵 在縣東三十五里招賢鄉明萬曆二十年建

雲潭庵 在縣東三十五里招賢鄉明成化十四年建

永慶庵 在縣東三十五里招賢鄉明成化年間建

興教庵 在縣東北二十五里柳山鄉元至正元年立明弘治甲子重建

雲覺庵 在縣西三十里興仁鄉元建

澤溪庵 在縣北五十里興仁鄉元建

蘭石庵 在縣西北三十里興仁鄉明建

明覺庵 在縣西三十里興仁鄉元建

雲峯庵 在縣西四十五里興仁鄉元建

楓木庵 在縣北四十里興仁鄉明建

董平庵 在縣西北四十里興仁鄉明建

白石庵 在縣西五十里興仁鄉明建

蘆塘庵 在縣西五十里興仁鄉明建

萬松庵 在縣西北五十里興仁鄉元建

仙隱庵 在縣西北二十里元建

大嶺庵 在縣西一十里進賢鄉宋德祐二年立明萬曆癸未年修知縣江天一改爲天嶺庵

福國庵 在縣西三十里明萬曆年間建

金竹庵 在縣西去福國庵里許明建

永興庵 在縣西北三十里興仁鄉明建

北岩庵 在縣西三十里上涇鄉明建

萬石山東雲庵 在縣西三十五里上涇鄉明建

金龍庵 在縣西二十五里上涇鄉明建

烏嶺庵 在縣東四十里招賢鄉

報本庵 在縣東里許

靈瑞庵 在治南十里一都黃曆山明建

翠微庵 在縣東二十五里順治五年建

觀音堂 在縣小東門坡上元建

慈湖堂 在縣東一十八里柳山鄉明建

八正堂 在護國寺左即禪堂明萬曆二十三

年方端善建

大覺堂 在龜山祖殿之下

文昌閣 在縣東明萬曆四十四年教諭夏之鼎建

觀音閣

在縣北三里清風亭明萬曆年間建

藏經閣 在護國寺後即舊善世堂址順治四年比丘海深募建

準提閣 在威顯廟後即舊方丈堂址順治九年僧會真華募建一在縣北門外

南陵縣

崇教禪寺 舊在縣東一百步唐正源禪師建

宋紹聖初明禪師與遊釋思雅建湛然庵明嘉靖年間移換儒學今為習儀之所按舊經云本名聖壽寺太平興國五年五月初五日准勅賜

今額又按崇教改回十方記云按縣圖經昔號籍山會昌沙汰後咸通十一年復聖壽寺太平興國五年賜今額

安賢寺 在縣北二里池水圍繞松蘿鬱茂

祐聖教寺 在縣東三十五里明正統甲子重建

安福教寺 在縣東北二十里明正統乙丑重建

資福寺 在縣西六十里明洪武辛亥建舊名吉祥成化丙申改今名

靈山寺 在縣西三十里明陵峯下諸峰攢簇

泉溪縈繞梁天監元年杯渡禪師建元末燬明洪武九年重建

隱靜寺 在縣西三十里

靈岩寺 在縣西五十里進德鄉唐貞觀二年金地藏創建元末燬明洪武五年重建

郭城寺 在縣北五十里舊名普化寺唐乾符中建元末燬明洪武十年重建

寶山寺 在縣南八十里地名格裏

靜林寺 在縣西二十里地名牧冲清規山元時名清規院復改今名

靈泉寺 在縣西四十里

清城庵 去縣三十五里

石湖庵 在縣北二十五里工山行祠在焉

柏林庵 在縣南二十五都

石龍庵 在二十六都狀元昌永撰碑記尚存

黃塘庵 在縣北六十里舊名清福寺梁太清二年建

柏林庵 在縣東十五里梁大通年建

柏園觀音庵 在縣東南十七里明萬曆癸巳建

降福殿 近崇教寺東明萬曆癸巳年知縣譚桂芳重建內奉唐睢陽神主

張仙殿 在崇教寺東明萬曆丁巳年建

雷塘庵 在縣東十五里明洪武二年建萬曆癸卯重修香燈田三畝

會龍庵 在縣北六十里明萬曆癸丑年建舊為蕪民占丈因係南陵水口附近衆姓捐貲於崇禎年重建置田三十畝

強村殿 在縣北六十里祀靈澤王

地藏殿 在縣北三十七都即古汪王殿明萬曆甲申年建

三官殿 在縣東二里

白衣庵 在縣東四里

承天觀 在縣東南四百步宋淳熙四年建明洪武十五年開設道會司

天齊觀 在縣東南一里明正統庚申重建

清溪庵 在縣東北四十里明正統辛酉年建

欽定古今圖書集成方輿彙編職方典

第八百二卷目錄

寧國府部彙考八

寧國府驛遞考

寧國府兵制考

寧國府物產考

職方典第八百二卷

寧國府部彙考八

寧國府驛遞考

宣城縣

設馬三匹草料銀八十六兩四錢馬夫二名除

另給捐置馬田租稻外工食銀一十四兩四錢

買馬鞍轡等銀二十四兩扣存帶閏銀三兩三

錢六分

歲支銀共一百二十八兩一錢六分

按縣志馬田四百一十五畝四分六釐七毫八

絲每年租穀八百三十石九斗三升五合六勺

本縣差馬全書舊額八十五匹

皇清順治九年奉操撫明文裁去只留馬三十五匹

內撥十匹協濟十字鋪縣廠養馬只二十五匹

應差先有存剩夫馬銀三千一十七兩發與本

縣置買養馬官田四百一十五畝零收租稻支

給差馬每日料稻三升折銀四分并草料銀五

分每匹每日共銀九分馬夫二十六名喂馬每

月工食銀六錢口糧稻八斗

總鋪 在府治南正街之東有門有廳有室有

廂周圍有垣

東溪鋪 直溪鋪 佳山鋪

麻姑鋪 洪林鋪 花橋鋪 以上六鋪

由東門達廣德州

上渡鋪 長安鋪 壽松鋪

黃渡鋪 楊林鋪 以上五鋪由小東門達

寧國縣

蓮塘鋪 烏沙鋪 高嶺鋪

寒亭鋪 通濟鋪 以上五鋪由西門達南

陵縣

綠錦鋪 雙牌鋪 畢冲鋪

楊柳鋪 高橋鋪 柿木鋪 以上六鋪

由南門達涇縣

敬亭鋪 梅嶺鋪 黃岡鋪

竹塘鋪 焦村鋪 新店鋪

施茶鋪 紹澤鋪 粧武鋪

橫楞鋪 以上十鋪由北門達黃池鎮

安民鋪 養賢鋪 澄清鋪

永隆鋪 龍溪鋪 以上五鋪由小北路達

水陽鎮 以上共鋪司兵一百五十一名

寧國縣

設馬三匹草料銀八十六兩四錢馬夫二名除

另給捐置馬田租稻外工食銀一十四兩四錢

買馬鞍轡等銀二十四兩扣存帶閏銀三兩三

錢六分

歲支銀共一百二十八兩一錢六分

按縣志明寧國縣差馬四十五匹每匹工食銀

一十六兩共銀七百二十兩原額七百六十八

兩後裁減四十八兩至崇禎間因馬戶告罄申

詳里保充當經告各院加至一千二百零七兩

外帶徵閏月銀二十八兩內雲亭驛馬一匹工

食銀一十六兩

總鋪 在城西門左知縣王廷相建正廳三間

門房三間郵亭一座左右廂房各三間今廢

阮村鋪 在縣東十里

周村鋪 在縣東二十里

長洪鋪 在縣東三十里有寧國縣分界碑以

上三鋪東接廣德州界

陽維鋪 在縣西十里近燧

竹下鋪 在縣西二十里

求寧鋪 在縣西三十里路口上今移在澤夏

方村路口上

蟠龍鋪 在縣西四十里舊鋪傾圮知縣王時

正擇地于右重建

雲門鋪 在縣西南五十里

柘林鋪 在縣西南六十里

周易鋪 在縣西南七十里

塵嶺鋪 在縣西南八十里嶺峻道險明正德

間者老袁昇邑人胡榮同開治

蜀洪鋪 在縣西南九十里後因路徑僻險於

胡樂巡檢司特建公館上司往來稱便云

山鋪 在縣西南百里舊在河東知縣王汝卿

改河西

涇縣

設馬七匹草料銀二百一兩六錢馬夫四名除另給捐置馬田租稻外工食銀二十八兩八錢差夫十名除另給捐置馬田租稻外工食銀七十二兩

買馬鞍轡等銀七十三兩五錢扣存帶閏銀一十兩八分

歲支銀共三百八十五兩九錢八分

按縣志順治七年置買近郭田一百九十四畝有零以歲額秋收租穀給養官馬給雇官夫

皇華館 在縣治東北明縣丞王濬建

郊迎亭 在縣治東北五里明知縣王弁建以爲迎送之所

總鋪 在縣治前

桑坑鋪 在縣北十里

琴溪鋪 在縣北二十里

鼓樓鋪 在縣北三十里

山口鋪 在縣東十里

晏公鋪 在縣東十四里地名晏公堂凡官府由本郡達旌太者必經之地誠要衝也下鋪山口上鋪石山皆倒塌不堪明知縣邵養特移鋪于此以待供應

石山鋪 在縣東南二十里

攻坑鋪 在縣東南三十里

月明鋪 舊名破脚嶺鋪在縣東南四十里

太平鋪 在縣東南五十里

長楓鋪 在縣東南六十里

窄南鋪 在縣東南七十里

仙石鋪 在縣北十里

湖冲鋪 在縣北二十里每鋪正廳五間左右廂房各三間郵亭一座門樓一間俱知縣孔延禧重建以上共鋪司兵五十三名

太平縣

設馬七匹草料銀二百一兩六錢馬夫四名除另給捐置馬田租稻外工食銀二十八兩八錢差夫十名除另給捐置馬田租稻外工食銀七十二兩

買馬鞍轡等銀七十三兩五錢扣存帶閏銀一十兩八分

歲支銀共三百八十五兩九錢八分

按縣志置買養馬官田東隅田二十七坵共四十八畝二分一釐零每田一畝用價七兩九錢共該價銀三百八十八兩八錢六分二釐一毫六絲算該秋租稻九十六石四斗二升零八勺西隅田十八坵共五十一畝一分零五毫八絲五忽六微每田一畝價值七兩九錢共該價銀四百零三兩七錢三分五釐八毫八絲七忽四微算該秋租稻一百零二石二斗一升一合六勺五抄二撮南隅田二十二坵共二十八畝七分一釐一毫每田一畝價值七兩九錢共該價銀二百二十六兩八錢一分七釐二毫七絲五忽算該秋租稻五十七石四斗二升九合二勺以上共田六十七坵計一百二十八畝零二釐七

毫二絲五忽六微共價銀一千零一十一兩四錢一分五釐三毫二絲二忽四微歲收秋租稻共二百五十六石零六升一合五勺二抄

總鋪 在縣治西

黃亭鋪 在縣東十里

竹田鋪 在縣東二十里

黃瓜鋪 在縣東三十里接旌德界今改黃華鋪

十里牌鋪 在縣西十里

黃泥鋪 在縣西二十里今改鳳儀鋪

汪王嶺鋪 在縣西三十里以上通池州路

郭村鋪 在縣西南九十里會館側通縣池

長田鋪 在縣南二十里

譚家橋中火鋪 在縣南四十里通徽州以上共鋪司兵三十名

旌德縣

設馬七匹草料銀二百一兩六錢馬夫四名除另給捐置馬田租稻外工食銀二十八兩八錢差夫十名除另給捐置馬田租稻外工食銀七十二兩

買馬鞍轡等銀七十三兩五錢扣存帶閏銀一十兩八分

歲支銀共三百八十五兩九錢八分

按縣志置買養馬官田數東區共三十四坵計田六十四畝八分三釐四毫九絲三忽共租一百二十九石六斗六升九合八勺六抄西區共二十六坵計田六十五畝三分八釐六毫共租

一百三十石七斗七升二合南區共三十七坵
計田六十四畝七分五釐九毫七絲計租一百
二十九石五斗一升九合四勺
總舖 在縣治東南十餘步

七里舖 在縣南十里

柳山舖 在縣北十里

藥口舖 在縣北二十里

三溪舖 在縣北三十里

椰村舖 在縣北四十里

子嶺舖 在縣東十里

石嶺舖 在縣東二十里以上二舖順治十年

知縣周一熊因途遙難遞詳院捐俸增建

橋坑舖 在縣東三十里以上共舖司兵三十

三名

南陵縣

設馬四十匹草料銀一千一百五十二兩馬夫

三十二名除另給捐置馬田租稻外工食銀二

百二十兩四錢

差夫三十名除另給捐置馬田租稻外工食銀

二百一十六兩

廩糧買馬鞍轡銀七百五十五兩扣存帶閭銀

五十三兩二錢八分

歲支銀共二千四百一十六兩六錢八分

腰站設馬四十匹草料銀一千一百五十二兩

馬夫三十二名除另給捐置馬田租稻外工

食銀二百三十四兩四錢

差夫三十名除另給捐置馬田租稻外工食銀

二百一十六兩
廩糧買馬鞍轡等銀七百六十五兩扣存帶閭
銀五十三兩二錢八分

歲支銀共二千四百一十六兩六錢八分

按縣志新置馬田共七百七十九畝九分九釐

六毫城內田一百九十七畝二釐六毫城外田

五百八十二畝九分七釐

按本縣差馬原八十九匹每匹草料工食銀十

八兩復因南陵距青陽遙遠中途建立公館添

馬二十三匹添夫六十名作為腰站順治七年

操撫李目擊里役幫貼深為病民痛行裁革止

選雷壯馬三十五匹除兵部勘合火牌外稟不

准應又將南陵減下底馬變價並六七兩年存

剩夫馬銀兩置買養馬官田七百七十九畝零

歲收租稻一千五百五十九石零作支給夫馬

工食又于選雷馬內撥馬十匹在公館應差每

匹歲給草料銀三十六兩議一馬一夫共設夫

三十五名每名歲給工食銀二十兩官徵官應

糧里藉以休息續因兩站差繁馬窄操撫李派

撥宣城縣馬十匹協濟南陵九年續奉文加添

馬至六十五匹每匹日給草料銀五分加稻三

升又陸續加添馬夫至五十二名每名月給工

食銀六錢加稻八斗議為十馬八夫互相喂養

旋復奉文宣城不協濟馬每年協濟銀六百兩

又奉文差馬料稻不敷每日改給銀九分隨又

因陵當衝繁差馬接替不敷奉文又加添驛馬

十匹共增至七十五匹內撥馬三十五匹公館

應差又加添馬夫八名共增至六十名每名每
月又加稻二斗內撥夫二十八名公館喂養自
十一年八月始永著為令

總舖 在縣治東前為大門中為郵亭後廳三

間左右廂房各一間久廢庚寅年署縣事通判

馬逢阜清出重建

石家會舖 蒲橋舖

清弋江舖 俱在縣

東 牛角灣舖 鵝嶺舖 牌頭舖

孔鎮舖 楊千舖 劉店舖

趙冲舖 俱在縣南

城埠塘舖 分界山舖 俱在縣東南

箭塘舖 在縣北

縣治旁三舖 知縣沈堯中添設以上共舖司

兵七十五名

寧國府兵制考

通志

本府

寧國營 參將一員駐劄寧國府順治四年改

宣州衛為寧國營設副將十年改今制中軍守

備一員千總一員把總三員馬戰兵三十八名

步戰兵一百一十一名守兵三百六十五名戰

馬三十八匹官自備馬二十四

宣城縣

水陽巡檢司 巡檢一員司吏一人弓兵六名

黃池巡檢司 巡檢一員司吏一人弓兵二十名民兵五十名供迎送上司押解徒犯宿監守門之役

軍器庫 凡冑函弓矢盾戟矛刃弩韜各千以上銃大小數百初宋紹興間大修戎器設藏守之明知縣梁應奇復造

皇清順治初丘胡二總鎮悉以取用順治乙未知縣王同春添造鳥銃七十管舊制造軍器修城垣工費府七衛三今府衛俱無與皆縣出矣

演武場 在泰和門外一里許有將臺正廳及府縣衛官各廳今衛廳廢

宣州衛 順治四年改宣州衛爲鎮將公署而以中察院爲衛更易指揮轄以守備其衛所兵舍止供屯田漕運守備職專屯務雖有總旗千百戶之名而不事干戈不登埤堦武弁與文吏不殊其鎮守責成各將一切防禦事宜悉歸營兵矣

寧國營 額設副總兵一員順治十年改設參

將一員中軍守備一員千總二員把總四員馬步戰守官兵八百八員名分撥千把總各弁目駐防六邑及險隘處所順治十五年調去崇明水師營丁一百名康熙二年調去漕標馬步兵丁五十名康熙三年調去孟河營千總一員把總一員僅存馬步兵丁六百二十五名康熙十二年查馬兵戰守官兵五百九十一員名于十三年內奉

旨改設五百四十二員名唯千總減一員餘如舊十

九年撤撥把總一員營兵三十名助守蕪湖寧灣地方

寧國縣

胡樂巡檢司 巡檢一員

嶽山巡檢司 巡檢一員二司弓兵共五十四名民壯一百六十二名

教場 在東關外東西廣三十五丈六尺南北廣四十五丈六尺內演武亭三間旗竿石臺一座演武坊一座

涇縣

茹麻巡檢司 巡檢一員弓兵十二名

縣治防官一員防兵二十名民兵五十名

教場 在縣西南上坊洲上東西六十步南北一百二十步內演武亭三間旗纛臺一座

營屋 在縣治西正房三間廂房三間營房二十間

仙石哨臺 在縣北十里

捕盜所 在縣北二十五里鷄子嶺上

防禦亭 在縣北三十里分界山邊

考坑哨臺 在縣東三十里舊名巧坑有關樓一座箭樓一座

淘金坑哨臺 在縣東四十里

守禦所 在縣西五十里張家渡

雲嶺柵 在縣西六十里

梅村灣哨兵 灣在宣南涇之界上通新安下達蕪陰羣盜橫肆劫掠舟楫難行順治八年鋪戶趙極控督撫道批允立哨軍營官兵駐劄巡

視擒賊首梅儒等正法盜遂絕迹

太平縣

宏潭巡檢司 巡檢一員弓兵十二名

演武場 在東溪橋頭計地三畝五分正堂後房餘屋共十三間順治八年知縣陳善政改建

督捕館 在龍門賜田距縣五十里萬曆五年知縣張廷榜建又買館前民地爲教場一所

旌德縣

三溪巡檢司 巡檢一員弓兵十二名

教場 在惠濟橋邊

南陵縣

裴嶺巡檢司 巡檢一員弓兵十二名

縣衙左右防守百總一員兵丁三十人係本府鎮守標下撥換

演武場 在北門外有官廳三間

寧國府物產考

穀屬

秈稻

晚稻

黑稻

小麥

菜豆

蔬屬

蘿蔔

通志縣志合載

晚稻

日芒稻

大麥

蕎麥

芝麻

黑豆

黍

絲瓜